

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/ KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 V 017031 22 V

Novi Travnik, 01.09.2022. godine

Kantonalni sud u Novom Travniku, sutkinja Mirjana Grubešić, u vanparničnom postupku predlagatelja N. K., sin H., nastanjen na adresi ..., SAD, zastupan po punomoćniku H. K. iz T., ..., protiv protupredlagateljice A. Š.-K., kći A., nastanjena na adresi ..., SAD, radi priznanja strane sudske presude o sporazumnom razvodu braka, dana 01.09.2022. godine, donio je slijedeće:

RJEŠENJE

Priznaje se presuda o sporazumnom razvodu braka Okružnog suda za Okrug Macomb, Država Michigan, Sjedinjene Američke Države, predmet broj: 09-5151-DO od 04. novembra 2009. godine, koja presuda je pravomoćna i na snazi od 04. novembra 2009. godine, kojom se razvodi brak zaključen dana ... godine pred Matičnim uredom Općine Travnik, Bosna i Hercegovina između predlagatelja N. K., rođen godine u Z., B i H i protupredlagateljice A. Š.-K., rođena ... godine u Z., BiH, upisan u matičnoj knjizi vjenčanih koja se vodi za mjesto T. pod rednim brojem ... za 2005. godinu.

Troškove postupka snosi predlagatelj.

Obrazloženje

Predlagatelj je putem punomoćnika Hamde Kunić iz Karaule ovom sudu dana 26.08.2022. godine podnio pismeni prijedlog za priznanje strane sudske presude o sporazumnom razvodu braka Okružnog suda za Okrug Macomb, Država Michigan, Sjedinjene Američke Države, predmet broj: 09-5151-DO od 04. novembra 2009. godine, koja presuda je pravomoćna i na snazi sa danom donošenja, a kojom je razveden brak između vanparničnih stranaka. Uz prijedlog za priznanje strane sudske presude priloženi su slijedeći dokumenti: original strana sudska odluka čije se priznanje traži, prijevod odluke od ovlaštenog sudskog tumača za engleski jezik sa područja BiH, izvod iz matične knjige vjenčanih izdat od Matičnog ureda Općine Travnik broj: 03-12-201-2155/22 od 08.08.2022. godine, original punomoć za zastupanje broj: UPU-IP-993/2019 od 02.09.2019. godine notarski obrađena od strane notara Gorana Halida iz Travnika, potvrda o pravomoćnosti presude o sporazumnom razvodu braka izdata od strane Okružnog suda za Okrug Macomb, Država Michigan, Sjedinjene Američke Države predmet broj: 2009-005151-DO od 25.07.2022. godine i prijevod iste od ovlaštenog sudskog tumača za engleski jezik sa područja BiH i dokaz o uplati sudske takse - uplatnica u iznosu od 200,00 KM.

Ocjenjujući osnovanost prijedloga za priznanje strane sudske presude, ovaj sud je utvrdio: da se radi o pravomoćnoj stranoj sudskoj presudi o sporazumnom razvodu braka između državljanina Bosne i Hercegovine, koji brak je zaključen dana ... godine pred Matičnim uredom Općine Travnik, Bosna i Hercegovina, upisan u matičnoj knjizi vjenčanih koja se vodi za mjesto T. pod rednim brojem ... za 2005. godinu, da su u postupku razvodu braka učestvovala obje vanparnične stranke, da odluka o razvodu braka nije protivna odredbama Ustava BiH, da se radi o statusnom sporu zbog čega se reciprocitet pretpostavlja i da nije povrijeđen međunarodni javni poredak.

Obzirom na činjenicu da su vanparnične stranke rođene u Bosni i Hercegovini i državljani Bosne i Hercegovine, da je brak između vanparničnih stranaka zaključen pred Matičnim uredom Općine Travnik, Bosna i Hercegovina i isti upisan u matičnoj knjizi vjenčanih koja se vodi za mjesto T., to je očigledno da predlagatelj ima pravni interes da se nastala statusna promjena upiše kod nadležnog matičnog ureda u Bosni i Hercegovini, zbog čega je ovaj sud zaključio da je prijedlog utemeljen.

Slijedom naprijed izloženog, ovaj sud je odlučio kao u izreci ovog rješenja u skladu sa odredbama člana od 86. do 97. preuzetog Zakona o rješavanju sukoba Zakona sa propisima drugih zemalja u određenim odnosima ("Službeni list SFRJ" broj 43/82, 72/82, "Službeni list Republike BiH" broj 02/92), koji je preuzet kao republički propis, a potom federalni i koji se primjenjuje u skladu sa članom 458. Zakona o parničnom postupku („Službene novine Federacije BiH“ broj 53/03, 73/05, 19/06 i 98/15) i članom 28. stav 3. točka e) Zakona o sudovima u Federaciji Bosne i Hercegovine ("Službene novine Federacije BiH" broj 38/05).

Na temelju Tarifnog broja 1. točka 10. i Tarifnog broja 2. stav 1. koji je sastavni dio Zakona o sudskim taksama ("Službene novine SBK/KSB" broj 4/2017 i 15/20), predlagatelj je dana 26.08.2022. godine uplatila sudsku taksu u iznosu od 200,00 KM.

Sutkinja
Mirjana Grubešić

Pouka o pravnom lijeku:

Protiv ovog rješenja može se izjaviti žalba
u roku od 15 dana od dana prijema rješenja Vrhovnom
sudu Federacije BiH, a podnosi se putem ovog suda
u tri primjerka.

